



Senin, 21 Juni 2021

Ogen: Pilipi 4:2-3



Ersadalah Min Arihndu



Pernah jadi perang dingin i Eropa sierbahanca negri Jerman terbelah dua. Sebab sada bagin mihak Amerika sada bagin ka mihak ku Uni Soviet. Ulihna ibangun me Tembok Berlin simotong ibu Kota Jerman e jadi dua bagin, eme Berlin Barat ras Berlin Timur. Radu ras pembangunen Tembok enda ibahan me menara pengawas i Berlin Timur, gelah olanai lit rakyat silompat ku Berlin Barat. Ertahun-tahun mbuekel kalak ersima-sima lanai mbera jumpa. Perang ras perubaten e mahanca ceda ukur enterem jelma enda jadi kidekah tahun 1961-1989. Kenca 30 tahun Jerman Timur mobah ukurna ras ipedarat peraturan maka rakyat Jerman Timur banci ku Jerman Barat, banci ku Berlin Barat. Enterem kel jelma meriah ukurna, ribun jelma ndai nangkihina Tembok Berlin e, seh ceda menam runtuh, jenari ersada arih Jerman Barat ras Jerman Timur guna ngeruntuhkan tembok Berlin e.

Meriah kel ukurta adi ersada arihta, lit kepuasan bas pertendinta adi ersada ukur ras keriahenta. La lit sinembh-nembh, la lit elem-elem ras la lit kepahitan, geluhta idemi kemalemen ate, sura-sura simehuli ras pikiren si positif ras maju. Tapi kiniersadan arih e arus iusahaken, sebab pendahin Iblis lenga ngadi atena ncedai ibas persadan. Kesombongen, cian ate, rendah diri, kerangapen, eme rupa-rupa kebiasaan sibanci ipake iblis ndai nerapken kita ras temanta. E kerina merupakan tembok pemisah si erbahanca la jumpa bualta ras teman. Kerina nge kita pelain-lain. Kerina lit kekurangan. Emaka kiniersadan arih e merluken usaha, uga maka kita sipelain-lain e banci ersada. Jembatenna nggo ibangun Dibata arah kayu silang, ija pengorbanenNa mahanca kita kerina sada ibas Tuhan. Erkiteken si e ulanai nggit kita iserapken biak doni enda, tapi ersadalah arihta guna mpermuliaken Tuhan singgo ngasamken kesah man gunata.